



Број/Број: 01/4-50-1-4-66/10

Сарајево/Sarajevo, 11.5.2010. godine

Z A P I S N I K

66. sjednice Komisije za finansije i budžet Predstavničkog doma Parlamentarne skupštine BiH, održane 11.5.2010., od 10 do 10,40 sati

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Bajazit Jašarević, Drago Kalabić i Salko Sokolović.

Sjednici nisu prisustvovali: Savo Erić, Adem Huskić i Zlatko Lagumdžija.

Sjednici su također prisustvovali: Samir Mušović, konsultant PKF/DFID, Ivana Smiljanić, asistent za finansije i budžet pri projektu USAID PSP u BiH, Stewen Tweedy, savjetnik u okviru SPEM projekta, Omer Ćar, savjetnik za budžet pri Projektu jačanja upravljanja javnim finansijama, Zoran Brkić, viši stručni saradnik u Sektoru za odnose s javnošću, Goran Masal, viši stručni saradnik u Istraživačkom sektoru, te Željko Kosmajac, sekretar, i Muhameda Humačkić, stručni saradnik pri ovoj komisiji.

Od predstavnika medija sjednici su prisustvovali: Aida Kovač, novinar FENA-e, i Snežana Samardžija, novinar 'Srne'.

Za sjednicu je predložen sljedeći

DNEVNI RED

1. Usvajanje Zapisnika 65. sjednice Komisije;
2. Razmatranje Prijedloga zakona o izmjenama i dopunama Zakona o finansiranju političkih stranaka, druga komisijska faza (predlagači: poslanici Milorad Živković, Niko Lozančić i Šefik Džaferović);
3. Tekuća pitanja:
 - Provođenje nadzora nad realizacijom zbirnih zaključaka Komisije po finansijskoj reviziji za 2008. godinu, usvojenih na 64. sjednici Predstavničkog doma Parlamentarne skupštine BiH, održane 24.11. te 2. i 7. 12. 2009.;
 - Informacija Komisije o realiziranoj radnoj posjeti Uredu za reviziju institucija BiH s ciljem uspostavljanja nadzora nad realizacijom pojedinačnih zaključaka Komisije po finansijskoj reviziji za 2008. za 31 budžetskog korisnika, usvojenih na 64. sjednici Predstavničkog doma Parlamentarne skupštine BiH, održane 24. 11. te 2. i 7. 12. 2009.

Predloženi dnevni red usvojen je jednoglasno.

Ad.1. Usvajanje Zapisnika 65. sjednice Komisije

Zapisnik 65. sjednice usvojen je jednoglasno, bez primjedbi.

Ad.2. Razmatranje Prijedloga zakona o izmjenama i dopunama Zakona o finansiranju političkih stranaka, druga komisijska faza (predlagači: poslanici Milorad Živković, Niko Lozančić i Šefik Džaferović)

U uvodnim napomenama predsjedavajući Komisije dao je kratak osvrt na sadržaj Prijedloga zakona, konstatirao da u amandmanskom roku nije bilo podnesenih amandmana, te otvorio raspravu o pojedinostima i Prijedlogu zakona u cjelini.

U raspravi niko nije učestvovao.

Nakon glasanja, predsjedavajući Komisije konstatirao je da je Komisija jednoglasno usvojila Prijedlog zakona o izmjenama i dopunama Zakona o finansiranju političkih stranaka BiH u drugoj komisijskoj fazi, te ga uputila u daljnju zakonodavnu proceduru.

Ad.3. Tekuća pitanja

- Provođenje nadzora nad realizacijom zbirnih zaključaka Komisije po finansijskoj reviziji za 2008., usvojenih na 64. sjednici Predstavničkog doma Parlamentarne skupštine BiH, održanoj 24. 11. te 2. i 7. 12. 2009.

Predsjedavajući Komisije upoznao je prisutne s prijedlogom tri zaključka Komisije prema Predstavničkom domu, koje je Ured sekretara Komisije pripremio za oblast provođenja nadzora, i to:

1. Predstavnički dom Parlamentarne skupštine BiH zahtijeva od Vijeća ministara BiH da, u roku od 30 dana od dana dostavljanja ovog zaključka, sačini i Domu i nadležnoj komisiji dostavi informaciju o realizaciji zaključaka 3., 4., 5., 6., 7., 8. i 10., usvojenih na 64. sjednici Predstavničkog doma povodom rasprave o revizorskim izvještajima o finansijskoj reviziji za 2008. godinu, s kojima je Vijeće ministara BiH upoznato dopisom Doma broj: 01/a-50-1-15-64/09, od 10.12.2009.
2. Predstavnički dom Parlamentarne skupštine BiH zahtijeva od Ministarstva finansija i trezora BiH da, u roku od 15 dana od dana dostavljanja ovog zaključka, sačini i Domu i nadležnoj komisiji dostavi informaciju o realizaciji zaključka broj 6. usvojenog na 64. sjednici Predstavničkog doma povodom rasprave o revizorskim izvještajima o finansijskoj reviziji za 2008. godinu, s kojima je Ministarstvo finansija i terzora BiH upoznato dopisom Doma broj: 01/a-50-1-15-64/09, od 10.12.2009.
3. Predstavnički dom Parlamentarne skupštine BiH zahtijeva od Tužilaštva BiH da, u roku od 15 dana od dana dostavljanja ovog zaključka, sačini i Domu i nadležnoj komisiji dostavi informaciju o realizaciji zaključka broj 9. usvojenog na 64. sjednici Predstavničkog doma povodom rasprave o revizorskim izvještajima o finansijskoj reviziji za 2008. godinu, s kojima je Tužilaštvo BiH upoznato dopisom Doma broj: 01/a-50-1-15-64/09, od 10.12.2009.

Navedeni zaključci izazvali su raspravu i podijeljene stavove prisutnih članova Komisije. Sadik Bahtić i Velimir Jukić bili su za ovakve zaključke, s tim da se u trećem zaključku riječ “zahtijeva” zamijeni riječju “traži”, dok su Bajazit Jašarević i Lazar Prodanović predložili drugačiji pristup provođenju nadzora.

Pristup koji su predložili, a koji su kasnije jednoglasno usvojili svi članovi Komisije, bio je da Komisija informira Kolegij Predstavničkog doma o današnjoj raspravi, te da od Kolegija Doma zatraži izjašnjenje o ovoj temi u smislu da Kolegij Doma od Vijeća ministara BiH, Ministarstva finansija i trezora BiH i Tužilaštva BiH sam zatraži informacije o realizaciji zaključaka iz Zbirnog mišljenja Komisije, usvojenih na 64. sjednici Predstavničkog doma povodom rasprave o revizorskim izvještajima o finansijskoj reviziji za 2008., s kojima su navedene institucije upoznate dopisom Doma broj: 01/a-50-1-15-64/09, od 10.12.2009., ili da se pitanje traženja navedenih informacija uvrsti u dnevni red naredne sjednice Doma, kako bi se Dom o tome očitovao.

Na važnost provođenja nadzora ukazao je Samir Mušović, konsultant PKF/DFID, navodeći činjenicu da se u Izvještaju Komisije EZ o napretku BiH u 2009. u dijelu 4.2.7. Finansijska kontrola navodi sljedeće: „ ... *Parlamenti su unaprijedili svoje kapacitete u pogledu postupanja sa izvještajima o reviziji, ali je postupanje prema izvještajima i preporukama institucija glavnog revizora i dalje nezadovoljavajuće. Ukupno gledano, pripreme Bosne i Hercegovine u oblasti finansijske kontrole napreduju, ali sporo. Potrebni su jači naponi kako bi se poboljšala javna unutrašnja finansijska kontrola i postupanje po revizijskim izvještajima.*“

- Informacija Komisije o realiziranoj radnoj posjeti Uredu za reviziju institucija BiH s ciljem uspostavljanja nadzora nad realizacijom pojedinačnih zaključaka Komisije po finansijskoj reviziji za 2008. godinu za 31 budžetskog korisnika, usvojenih na 64. sjednici Predstavničkog doma Parlamentarne skupštine BiH, održanoj 24. 11. te 2. i 7. 12. 2009.

Predsjedavajući Komisije upoznao je prisutne o rezultatima i pojedinostima radne posjete rukovodstva Komisije Uredu za reviziju institucija BiH, realizirane 28.4.2010.

U raspravi o rezultatima realizirane radne posjete, te organizaciji, uslovima, načinu i rezultatima rada, budućim aktivnostima i međunarodnoj saradnji Ureda za reviziju institucija BiH učestvovali su: Salko Sokolović, Velimir Jukić i Sadik Bahtić, Željko Kosmajac, sekretar, i Samir Mušović, konsultant PKF/DFID.

Nakon kraće rasprave, članovi Komisije jednoglasno su usvojili Informaciju o realiziranoj radnoj posjeti Uredu za reviziju institucija BiH.

Sekretar Komisije
Željko Kosmajac

Predsjedavajući Komisije
mr. ecc.sc. Sadik Bahtić

Prilog:

-neautorizirani transkript 66. sjednice Komisije